

| | | | |
|---------------|---------|--|---------|
| 614232 | DAM003 | Jednokratne novčane pomoći pojedincima, udruženjima i druge pomoći (ogrjev, prehrambeni artikli, infrastrukturni priključci i dr.) | 143.200 |
| 614253 | DAM004 | Sredstva za troškove dženaza-sahrana | 200.000 |
| 614225 | DAMO 15 | Sredstva za uplatu doprinosa za zdravst. osiguranje | 90.000 |
| 614300 | | Transfer neprofitnim organizacijama | |
| | DAN004 | Naknade za izgradnju građevinskih objekata (uređenje i renta) - nova individualna gradnja | 50.000 |
| 821300 | | Nabavka opreme | |
| | DAX008 | Nabavka opreme (uredska oprema) | 4.000 |

2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-25046/13
25. septembra 2013. godine
Sarajevo

Ministar
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), po zahtjevu Ministarstva stambene politike Kantona Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2013. GODINU ZA MINISTARSTVO STAMBENE POLITIKE KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2013. godinu u iznosu od 6.700 KM u razdjelu 16010001 - Ministarstvo stambene politike Kantona Sarajevo i to:

sa ekonomskog koda:
611100 Bruto plaće i naknade iznos 6.700 KM
na ekonomske kodove:
611200 Naknade troškova zaposlenih
611225 GAA 004 Otpremnine zbog odlaska u penziju iznos 4.500 KM
611227 GAA 005 Naknade za slučaj smrti i teže invalidnosti iznos 2.200 KM

2. Ova Odluka stupa na snagu danom donošenja, a objavit će se u "Službenim novinama Kantona Sarajevo"

Broj 08-01-14-21575/13
30. septembra 2013. godine
Sarajevo

Ministar
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), po zahtjevu Srednje škole metalških zanimanja Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2013. GODINU ZA SREDNJU ŠKOLU METALSKIH ZANIMANJA SARAJEVO

1. Odobrava se preraspodjela sredstava u Budžetu Kantona Sarajevo za 2013. godinu u iznosu od 1.061 KM u razdjelu 2103 0021 - Srednja škola metalških zanimanja Sarajevo i to:

sa ekonomskog koda:
Naknade troškova zaposlenih
611224 LCA 0A3 Naknade za regres za godišnji odmor iznos 1.061 KM
na ekonomski kod:
613800 Izdaci za osiguranje iznos 1.061 KM

2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-23573/13
30. septembra 2013. godine
Sarajevo

Ministar
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), po zahtjevu OŠ Mehmedalija Mak Dizdar Kantona Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2013. GODINU ZA OŠ MEHMEDALIJA MAK DIZDAR

1. Odobrava se preraspodjela sredstava u Budžetu Kantona Sarajevo za 2013. godinu u iznosu od 1.996 KM u razdjelu 21020046 - OŠ Mehmedalija Mak Dizdar i to:

sa ekonomskog koda:
611224 LBA 0M8 Naknade za regres za godišnji odmor iznos 1.996 KM
na ekonomske kodove:
611225 LBA 0M9 Otpremnine zbog odlaska u penziju iznos 114 KM
611227 LBA 0N0 Naknade u slučaju smrti i teže bolesti iznos 337 KM
613300 Izdaci osiguranja, bankovnih usluga i usluga P.P iznos 1.545 KM

2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-23285/13
30. septembra 2013. godine
Sarajevo

Ministar
Muhamed Kozadra, s. r.

Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 252a. stav (2), a u vezi sa članom 2. stav (4) Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09 i 48/10), ministar za obrazovanje, nauku i mlade Kantona Sarajevo donosi

PRAVILNIK

O FORMIRANJU I RADU ŠKOLSKIH SAOBRAĆAJNIH PATROLA

Član 1.
(Opće odredbe)

Ovim pravilnikom propisuje se nadležnost i način formiranja školskih saobraćajnih patrola (u daljem tekstu: ŠSP), plan i program obuke i polaganja ispita, ovlaštenja i aktivnosti članova ŠSP, izgled uniforme, oznaka i akreditacije, kontrola i nadzor nad radom ŠSP, kao i druga pitanja u vezi sa radom ŠSP.

Član 2.
(Nadležnost)

Organiziranje obuke i polaganje ispita za člana ŠSP obavljaju osnovne škole (u daljem tekstu: Škole), u saradnji sa Ministarstvom za obrazovanje, nauku i mlade Kantona Sarajevo (u daljem tekstu: Ministarstvo) i Ministarstvom unutrašnjih poslova Kantona Sarajevo (u daljem tekstu: MUP KS), u skladu sa planom i programom, koji je prilog broj 1., i čini sastavni dio ovog Pravilnika.

Član 3.
(Pristup obuci)

Pravo na obuku za ŠSP stiče učenik šestog razreda osnovne škole ako ispunjava sljedeće uvjete:

- da se ističe u učenju i vladanju u petom razredu osnovne škole,
- da ima pismeni pristanak roditelja, odnosno staratelja za rad u ŠSP.

Član 4.
(Obuka)

- Obuku za rad u ŠSP obavljaju škole, u saradnji sa Ministarstvom po planu i programu iz člana 2. i ista obuhvata teoretski i praktični dio i to:
- 15 časova teoretskog dijela,
- 11 časova praktičnog dijela.

Član 5.
(Vrijeme održavanja obuke)

Škole su obavezne započeti obuku za rad u ŠSP u prvoj sedmici oktobra, na osnovu spiska prijavljenih učenika.

Obuka se odvija kao vannastavna aktivnost i traje do posljednje sedmice aprila.

Član 6.
(Predavači)

Osobe koje vrše obuku učenika za rad u ŠSP su: nastavnici društvenog i tehničkog smjera, položenog vozačkog ispita B1 potkategorije i B kategorije kojeg bira škola, uz konsultacije sa pedagogom-psihologom škole, predstavnici Ministarstva, kao i druga ovlaštena lica iz organa i organizacija koji se bave poslovima bezbjednosti saobraćaja.

Član 7.
(Komisija za polaganja ispita)

Nakon završene obuke, škola obrazuje Komisiju i organizovano polaganje ispita za članove ŠSP.

U Komisiju za polaganje ispita za članove ŠSP ulazi i po jedan predstavnik Ministarstva i MUP-a KS.

Ispit se organizira najkasnije 15 dana nakon završene obuke.

Član 8.
(Ispit)

Ispit za članove ŠSP sastoji se iz teoretskog i praktičnog dijela. Teoretski dio ispita obuhvata provjeru poznavanja saobraćajnih propisa i saobraćajnih znakova kao i elemente saobraćajne kulture, a vrši se putem testa i razgovora.

Na ispitu za članove ŠSP vodi se zapisnik koji potpisuju predsjednik i članovi ispitne komisije.

Vrijeme za rješavanje testa je 60 minuta.

Član 9.
(Izdavanje akreditacije "Školska saobraćajna patrola")

Kandidatu koji položi ispit škola izdaje akreditaciju člana ŠSP.

Akreditacija iz prethodnog stava je žute boje, veličine 85x55 mm.

Izgled akreditacije dat je na obrascu koji je u prilogu broj 2. i čini sastavni dio ovog Pravilnika.

Na prednjoj strani je:

- utisnut logo ŠSP,
- naziv i grb škole,
- prezime i ime, i fotografija učenika,
- redni broj.

Na poleđini je:

- tekst člana 11. ovoga Pravilnika,
- datum izdavanja,
- pečat i potpis direktora škola.

Član 10.
(Uloga ŠSP)

ŠSP vrše preventivno regulisanje saobraćaja u blizini škole, uz prisustvo ovlaštenog lica MUP-a KS, na način da se staraju o

organizovanom i što bezbjednijem prelazu školske djece preko kolovoza pri dolasku u školu i izlasku iz škole i u tom cilju, preko svojih članova obezbjeđuje njihov prelaz preko kolovoza.

Članovi ŠSP u suradnji sa nastavnicima su dužni jednom godišnje održati predavanja za učenike iz škole, roditelje i nastavnike, na kojem će informirati sve prisutne o trenutnom stanju i saobraćajnoj bezbjednosti, kao i njihovim iskustvima i rezultatima rada.

Član 11.
(Ovlaštenja članova ŠSP)

Članovi ŠSP, kad vrše obezbjeđenje prelaza školske djece preko kolovoza po odredbi stava 1. prethodnog člana, ovlašteni su da na propisan način i u skladu sa zakonom i podzakonskim propisima, izdaju potrebna naređenja drugim učesnicima u saobraćaju.

Članovi ŠSP moraju biti stručno osposobljeni za regulisanje saobraćaja i jednoobrazno obilježeni.

Član 12.
(Učesnici u saobraćaju i ŠSP)

Učesnici u saobraćaju dužni su postupati po zahtjevima i naređenjima ŠSP.

U slučaju da učesnici u saobraćaju ne postupe po zahtjevima izraženim pomoću znakova ili prema naredbi ŠSP, članovi ŠSP su obavezni istima ukazati na greške i nepravilnosti, te dati upute na moguće posljedice nepoštivanja saobraćajnih pravila i saobraćajne kulture u konkretnoj situaciji.

Član 13.
(Mjesto sa kojeg se vrši obezbjeđenje prelaza učenika)

Mjesto sa kojeg članovi ŠSP vrše obezbjeđenje prelaza učenika treba da bude bezbjedno i lako uočljivo od strane svih učesnika u saobraćaju, što na licu mjesta procjenjuje i određuje ovlašteno lice MUP-a KS.

Član 14.
(Aktivnost članova ŠSP)

Članovi ŠSP poslove iz člana 11. ovog Pravilnika vrše isključivo kad ih na dužnost odredi nastavnik koji vrši neposredan nadzor nad radom ŠSP.

Član 15.
(Izgled uniforme)

Član ŠSP, kad vrši poslove iz ovog Pravilnika, nosi uniformu plave boje sa propisanim oznakama, kačket i reflektirajući prsluk na kojima je istaknut logo ŠSP, te bijelo narukavlje, a kao opremu nosi tablicu za regulisanje saobraćaja.

Član 16.
(Tablica za regulisanje saobraćaja)

Tablica za regulisanje saobraćaja ima oblik kruga prečnika najmanje 12 cm. Osnova tablice je bijele boje sa crvenom ivicom širine najmanje 2 cm. Na bijeloj površini je natpis štampanim slovima crne boje "STOP", a ispod toga kratica "ŠSP". Tablica za regulisanje saobraćaja mora biti prevučena retoreflektujućom materijom, a može biti podešena i tako da se može osvijetliti vlastitim izvorom svjetlosti.

Član 17.
(Prestanak rada u ŠSP)

Prestaje biti član ŠSP učenik koji ne izvršava povjerene mu zadatke ili ih ne izvršava na zadovoljavajući način, kao i učenik koji završi sedmi razred osnovne škole.

Član ŠSP koji ne postiže zadovoljavajući uspjeh u učenju i vladanju neće se angažovati na poslove patrole.

Član 18.
(Nadzor nad radom ŠSP)

Nadzor nad radom ŠSP vrše organi upravljanja škole koja je osnovala ŠSP, a neposredni nadzor vrši nastavnik kojeg za to odredi škola. ŠSP ima komandira i zamjenika komandira, koje biraju članovi ŠSP.

Stručnu pomoć u radu ŠSP, posebno u pogledu zaštite i bezbjednosti djece u saobraćaju pružaju ovlaštene osobe Uprave policije MUP KS-a.

Član 19.
(Dokumentacija)

Dokumentacija o ispitima i o izdatim akreditacijama za članove ŠSP čuva se u školi, u skladu s Pravilnikom o sadržaju i načinu vođenja dokumentacije i evidencije u osnovnoj školi.

Spisak učenika koji su položili ispit za članove ŠSP škola dostavlja Ministarstvu i policijskoj upravi MUP-a KS, prema sjedištu škole.

Član 20.
(Prelazne i završne odredbe)

Za potrebe provedbe ovoga Pravilnika, Ministarstvo će obezbijediti potrebna nastavna pomagala, uniforme, te druga materijalno-tehnička sredstva.

Ovaj Pravilnik stupa na snagu danom objavljivanja u "Službenim novinama Kantona Sarajevo", a njegova primjena počinje 1. septembra 2014. godine.

Član 21.
(Prestanak primjene propisa)

Stupanjem na snagu ovoga Pravilnika, prestaju važiti svi pravilnici koji uređuju oblast formiranja i rada ŠSP na području Kantona Sarajevo.

Broj: 11-38-08-639.37/13
05. septembra 2013. godine
Ministar
Sarajevo Prof. dr. Damir Marjanović, s. r.

Prilog br. 1

PLAN I PROGRAM OBUKE ŠKOLSKE SAOBRAĆAJNE PATROLE

| TEMA | T | P |
|---|----|----|
| PONAVLJANJE ZNANJA | 3 | 2 |
| Razvoj i značaj saobraćaja, saobraćajna sredstva | 1 | |
| Putevi (podjela puteva, dijelovi puta, oprema puta, objekti na putevima) | 1 | 1 |
| Vrste i podjela saobraćajnih znakova | 1 | 1 |
| PRAVILA SAOBRAĆAJA | 1 | 2 |
| Učesnici u saobraćaju i saobraćajna pravila | 1 | 2 |
| BEZBJEDNOST SAOBRAĆAJA | 2 | 1 |
| Osnovni činioci sigurnosti saobraćaja i negativne pojave u saobraćaju i njihovo suzbijanje | 1 | |
| Služba kontrole i regulisanje saobraćaja | 1 | 1 |
| ZNACI KOJE UČESNICIMA U SAOBRAĆAJU NA CESTAMA DAJU OVLAŠTENE OSOBE | 4 | 4 |
| Značenje znakova koje učesnicima u saobraćaju daju ovlaštene osobe rukama, položajem tijela, upotrebom tablice, pištaljke i svjetiljkom | 2 | 2 |
| Ponašanje i rad članova ŠSP u prisustvu ovlaštene osobe | 1 | 1 |
| Značenje znakova koje članovi ŠSP daju učesnicima u saobraćaju | 1 | 1 |
| OSNOVNI POSTUPCI U SLUČAJU SAOBRAĆAJNE NEZGODE | 2 | 2 |
| Vrste saobraćajnih nezgoda i postupci u slučaju saobraćajnih nezgoda | 1 | 1 |
| Prva pomoć | 1 | 1 |
| SARADNJA ŠSP SA ORGANIMA I ORGANIZACIJAMA KOJE SE BAVE SAOBRAĆAJEM I BEZBJEDNOSTI U SAOBRAĆAJU | 1 | |
| SAOBRAĆAJNA KULTURA | 2 | |
| | 15 | 11 |

Prilog broj 2

ŠKOLSKA SAOBRAĆAJNA PATROLA
OŠ
Sarajevo

Ime i prezime učenika: XXXXXX
YYYYYYY

JMBG: 0000000000000000

Prostor za sliku

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 175. do 183. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09 i 48/10), a u vezi sa odredbama Pravilnika o osposobljavanju za vozača motornih vozila i Pravilnika o načinu i uvjetima organiziranja ispita za vozača motornih vozila ("Službeni glasnik BiH", broj 46/12), ministar za obrazovanje, nauku i mlade Kantona Sarajevo, donosi

PRAVILNIK

O USLOVIMA I VISINI NAKNADA U VEZI SA POSLOVIMA PROVOĐENJA PRAVILNIKA O OSPOSOBLJAVANJU ZA VOZAČA MOTORNIH VOZILA I PRAVILNIKA O NAČINU I UVJETIMA ORGANIZIRANJA ISPITA ZA VOZAČA MOTORNIH VOZILA

I - OPŠTE ODREDBE

Član 1.
(Osnovne odredbe)

- Ovim Pravilnikom propisuju se uvjeti i visina troškova i naknada u vezi sa poslovima provođenja Pravilnika o osposobljavanju za vozača motornih vozila i Pravilnika o načinu i uvjetima organiziranja ispita za vozača motornih vozila ("Službeni glasnik BiH", broj 46/12), kao i način vođenja evidencije u vezi sa ovim poslovima.
- Ovim Pravilnikom propisuju se i preciziraju ostali uslovi koji nisu u potpunosti utvrđeni ili definisani drugim relevantnim propisima.

II - OSPOSOBLJAVANJE KANDIDATA ZA VOZAČA MOTORNIH VOZILA

Član 2.
(Pristup osposobljavanju)

- Osposobljavanju za vozača motornih vozila može pristupiti lice (u daljnjem tekstu: kandidat) koje:
 - ima godine života i uslove propisane Zakonom, za pojedine kategorije i potkategorije motornih vozila, i to:
 - 16 godina za potkategorije A1 i B1;
 - 18 godina za kategorije/potkategorije A, B, BE, C1 i C1E;
 - kategorije C i CE pod uvjetom da posjeduje vozačku dozvolu potkategorije C1 ili C1E najmanje jednu godinu;
 - kategorije D i DE i potkategorije D1 i D1E pod uvjetom da posjeduje vozačku dozvolu kategorije C ili CE najmanje dvije godine.